

14 JAN 2000

ABDULLAH ZIARAHI MAYAT MENDIANG BAPA TSU KOON (Bergambar)

PULAU PINANG, 14 Jan (Bernama) -- Timbalan Perdana Menteri, Datuk Seri Abdullah Haji Ahmad Badawi petang ini menziarahi mayat mendiang bapa Ketua Menteri, Datuk Koh Pen Ting di kediamannya di Persiaran Midlands di sini.

Ketibaan beliau disambut Tan Sri Dr Koh Tsu Koon dan isteri, Puan Sri Chui Kah Peng serta beberapa anggota keluarga.

Abdullah menghabiskan masa kira-kira 15 minit di situ sebelum berlepas pulang ke Kuala Lumpur.

Menurut Koh, Abdullah juga menyampaikan ucapan takziah daripada Perdana Menteri, Datuk Seri Dr Mahathir Mohamad dan isteri, yang kini berada di luar negara.

Selain Abdullah, Menteri Pendidikan, Tan Sri Musa Mohamad dan bekas Timbalan Ketua Menteri, Datuk Dr Ibrahim Saad turut hadir untuk memberikan penghormatan terakhir.

Mayat mendiang Koh akan disemadikan di Tanah Perkuburan Cina Batu Gantung, di sini pada pukul 11 pagi esok.

-- BERNAMA

ZU AR